

卷二

書名 [惜抱軒遺書三種] 惜抱先生尺牘補編
 二卷
 撰者 清 姚鼐 撰
 卷 卷二
 內容分類 集-別集-清中葉後期
 索書號 大木 叢書部- 53
 編號 D7615300

[彩色首頁1](#)

東洋文化研究所漢籍目錄 編號: D7615300

東洋文化研究所漢籍目錄所藏漢籍善本文影像資料庫 索書號: 大木 叢書部

53 漢籍善本文影像資料庫文本 [惜抱軒遺書三種] 惜抱先生尺牘補編二卷

版權所有 東京大學 東洋文化研究所
 使用上的注意事項

惜抱先生尺牘補編卷一

上禮親王

十月二十四日姚鼐謹奉啓禮親王殿下本月鼐同鄉
 吳禮部賡枚寄到殿下賜鼎教令併袍褂帽頂補服靴
 佩六種竝祇領訖伏惟殿下景行懋德英識亮衷以忠
 孝之躬任親藩之寄雖士流傾望而霄壤懸殊矧鼐自
 出翰門逾三十載桑榆旣迫腐草何稱跼伏衡茅才術
 無益梁園雨雪靡企末至之賓西邸芳林有隔圖形之
 助睽越山川之外膏沐加草澤之中元王詩傳舊
 於督儒北海尺書又來遺於甕牖被茲異寵悚息

惜抱先生尺牘補編卷一終

惜抱先生尺牘補編卷二

與汪稼門

新年來伏惟興居住佳勝正月得去臘賜書竝讀大著實
心藏說其言切實而包括廣大君子之至言可以爲後
世法也癸春初苦疝發第三子病下血甚危今幸愈矣
而賤目昏眊彌甚非素紙不能作書腰膝加軟精神耗
竭決於秋閒歸里已告菊溪先生辭此講席矣閣下今
歲述職定不知彙歸時閣下明農之志果得遂而相
從於山澤閒乎海內寇賊殄除良爲大慶而財用未紓
民生尚瘁猶不能無餘憂耳至尊意所定壽藏以鄙意



惜抱先生尺牘初編卷二
論之猶未敢附會小龍山內確有佳城而不能驟定其
處女兒山乃是其水口其狀猙獍可畏此以居水口則
妙甚以穴前見之則非妙也今所定正不免向之恐非
可作穴地也愚見如此望酌之江南今春雨雪太多麥
苗有損米價雖非極貴然總在三千外亦不可云賤矣
未知登麥後何如耳

與方來青

頻時闕啓馳企維深恭維二兄大人自莅中州敷猷期
月廓清奏績和氣斯流野有更蘇之氓天轉降祥之運
仁德彌勤於懷保嘉謨益著於旬宣茲當大賢崧降之

辰正當萬寶秋登之候歌謠載播朝野同欣况其附鄉
曲之情與族媼之末者乎鼎以衰邁又兼道遠不獲過
趨鈴閣舉觴賓階遙切神依祝增眉壽鼎近託庇癡頑
尚如舊態專肅短函馳表長憶伏惟鑒照不宣

與口芭堂

春杪得手簡備審佳勝聞近已移調首邑以巨才而任
繁劇爲優擢之堦此固其理宜然然而勤劬公事亦已
增倍矣弟家居都如故狀去冬安葬先祖母今冬安葬
先君粗了此大事來歲謝去敬敷書院尚未定所居也
里中久旱恐欲傷麥第冬窗晴燠爲病夫之所快耳張



駿生三哥之次子南仲弟姪女婿也以貧故來謁晉藩
欲覓一館地此子文藝人品俱佳必非終於諸生者弟
屬其至晉必造塔砌望加意拂拭之必令其居停獲一
佳處非特伊感佩盛情亦所以成長者誘掖後進之美
也朝夕惟慎護起居餘不多及

與吳頤齋

奉別經時想動定佳好小郎各健勝也彙此閒如常衡
兒及馬甥先後俱到馬甥先歸家衡兒俟秋閒回也前
月聞令女之病不知好不令人懸心其身體本甚弱少
自檢不到則病矣想縣中亦無高手醫家只好服壽民

藥若換人恐更不如之耳一切總在親家酌量看其藥
之有效與不其餘家中瑣屑之事彙都不能慮及統煩
親家細密照應之矣今年水大早稻尚有八分邪雜君
近有信來不雁翎扇一柄奉寄爲左右揮蚊之用埒堠
不具頤齋五哥親家賢昆仲統候不另

與張寧世

久未奉書但有馳企側聞康健體氣不異少壯可謂天
佑君子矣口口頗聞美疾今得痊不念念目今宦轍艱
難幸稼門撫臨閩中故當愈於他省然鄙意更祝吾兄
身事少清歸其癡頑娛嬉鄉曲耳彙辭江寧而就安慶



亦聊取小人懷土之便至賤體已極衰惟齒牙未脫尚能行步耳往昔故人晨星略盡天末相望能無悵乎茲因舍弟某入閩略報併候春寒惟珍重千萬不具春來想動定佳好奉別遂及一年之久豈勝懷念去冬譜孫出痘乃承至情摯愛撫視又承親母表妹經數旬之辛苦爲之照料遠道聞之感佩無量今此兒想可算得一丁矣已使到學未邪鼎居此一切平安但精神今年又不如去年擬秋冬閒一回家與諸戚友一快慰也小郎頸病已痊未甚念甚念紹酒一罈聊奉清酌前寄一金腿想已至尚餘春寒珍重不具

與馬雨耕

鼎以積愆殃禍薦至慈母遘疾奄至棄養終天之恨無可復追承賜唁問展讀衷感卽日成服開弔俱過而宅兆未卜鐵門尚欲請安安則加築不則合葬他處此非另得一地不可日今看得數處而圖之不知成不吾兄見託之語未敢遽承何則地之可得者固當自取若難得又何以及君鼎之眼力又不能無誤如去年以七千錢買小楊樹灣一處始甚自喜今乃知誤幸其價廉耳若爲人謀而所費或多豈堪此誤吾兄旣在江寧宜卽在江寧尋覓果得佳城遠葬何害况本欲遷居邪三姐

情抄先生尺牘補編卷二 四
若住江寧不成決於典去住屋卻典鼎昔買鄧雲將住處此甚妥之策也寒甚保重不一

前在里中得惠書具悉近祉佳勝欣慰欣慰去歲安葬表伯正在歲杪諸事怱怱未與執紼但聞土色甚佳當可以放心也尊府近俱平安鼎於二月二十二日始舉葬事土色亦不甚惡於清明畢工於三月二十四日抵鍾陵矣卻憶去年至此晤聚之况邈不可得淮樹家於三月二十六日葬其次婦四月半後當來金陵戢翼未翥然宦情未盡忘也邑中親友大抵不得意之人多而稱意之家少米價雖賤而其餘百物俱貴爲生者益

苦矣久雨希見霽日薄寒不解客中保重千萬續報不備

家中今日寄新笋來殊勝前次寄者不可獨食祈午閒來共一飯也

冬季束脩收到亦正在渴時甚善也若福建有消息祈遣送叔固展青等皆在此候榜矣有暇更出來一談前番一聚良爲勝會別後想動定佳也鼎擬十一月初十左右歸去於此閒先遣復兒北行耳數日大冷如深冬惟保重不具

方大哥至得手示並銀具審近祉爲慰鼎抵家後一切

言之妄而叔固之抹非謬也。鼎擬此二十四日赴江寧。吾兄家務意欲更有部置，然非面晤不能盡願。今冬駕更一歸披襟，再一商可乎。春寒珍重，千萬不具。

接四月杪手書，具審一切。鼎於前月寄拙集，今當至。几前誤字數處未改，希併取東浦先生處本子爲改正之。賤狀略如常，曾間猶有凝痛，想更久自己耳。衡兒須節後始能來，來則由此徑入都矣。聞總統失利，極使人愁。舍甥張兼士正在其幕中也。邑中數日前有信來，則俱佳好。茲略報不具。

得此月朔賜書，具悉一切。此地得雨雖少，晚然猶有大半收，不至甚荒。至里中得雨，更旱秋田不爲災也。鼎自閏月病痢，今雖愈而脾氣未復，元精神憊甚，尚不能出門。於此初三日夜失賊竊去二百五十金，遂大狼狽。豈非運氣至劣耶。計今年必不能到蘇州，明年則可矣。難免在此，不可離之而出也。頻伽古文不及，維君體正尊鑒，不謬。頻伽爲常熟蔣姓求一文字，往時望溪宗伯作文不受，次謝鼎，殊媿不能如之望。爲語頻伽也。桐城院考當在八月之中。陳偉人于野俱新有得館之機，而吾家兩申又至矣。安得廣厦千萬間，真可歎也。簡齋病頗日深，而老人爲扶病至揚州就醫，政不知能小愈不也。





鐵松先生於閏月十三日抵里首邱之願大遂亦佳事矣聞福撫出缺不知誰得之邪聞黃河亦出而水亦大秋霽未甚寒想佳勝也鼎亦如常擬十月初九日回里大約來歲仍不免一來此耳昨日淮樹家有信來魁哥進學矣而無名單其餘獲雋者不得知也題乃是以大學始教及踰梁山邑于岐山之下居焉此地學臺明日起馬而上江學臺亦定於十六日離安慶也張勵堂樞已過蘇州鼎二月未接家信不知復兒得於何時可行也東浦先生應已自河上回撫藩之事當併在一署尚不至甚勞郭孝廉方正桐城四君子及吳殿麟張惺齋

等皆給頂戴甚可喜而上江送一等六人不如別省能有同之者不餘不具

昨接復兒字有十月同吳惠連庶常入都之說但恐未能定耳鼎九經說誤字甚多今寄一硃筆校過本子望依之校改併取東浦先生處本子改正之此寄本與郭頻伽可也前月竊案至今杳然吾亦姑聽之矣茲因何五哥來會李觀察之便附候餘續聞不具

月初得手示知佳好所云亞父之疾豈背有癰子邪頃已痊邪念念鼎頃頗苦脾洩亦大是衰徵邪聞周公去敬敷之意鼎甚欲就近前與制軍言次已略道之若

撫臺以爲可鼎更欲辭此而適皖矣吾兄與撫臺商之何如香聞聞有足疾須辭館而歸吾兄家事必得更部置非鼎歸時面議不可科舉案未出今歲差幸來錄遺者少於往年或不大遺漏也徐芝亭已歸家書尚存此餘續報不具

前月杪有一字當已達覽頃聞香聞之痛良深愴悼吾兄值此哀寂豈衰年所堪平生所聞瞿曇之旨正須於此際得用勿付之紙上空談則所望也甲哥以十六日得信卽於是日動身赴常州其搬柩回過江甯時仍入城與一見也不知北萊能爲先定一厝處不邑中此事極難或且寄玉屏菴耶觀兒今與應試者先歸鼎十月底方回一切須相見詳議茲不具

今年延方展青在舍教觀雉兩兒而攜衡至江甯合伴入都二月杪當行也爲樊川卜兆久不可得殊以爲媿邑中此事愈辦愈難矣楚氛不靖殊使人愁悶吾兄卜居秦淮果能決遂不然亦不知孰爲安土也率報餘續聞不具

尊體飲食略勝於夏熱時不中丞公以大賢臨吾桑梓必大有受福之處吾等跂足以俟之耳家延履久住江甯略無所遇只得轉入安慶謀之吾兄居鎖院內勢不



能於外間薦館然恐遇便有可爲吹噓者亦或可偶爲
一筵譽耳彥容已赴鹽城挂號其束脩百金可謂每况
愈下矣復兒八月有信來尚居何道長家其年竟留京
或南歸尚未決也鄭十月杪去此茲略報惟珍重千萬
不具

初聞駕將至甚以爲喜接後諭乃知不果不勝悵然不
知今年畢竟能一會不耶此時計東浦先生當復任方
伯事吾兄當亦復歸藩署矣鄭病已全好而方植之去
應院考邀吾家甫申入課雉兒讀書蓋不寂寞于野有
邳州劉公請去管下百六十金之約而未送關陳偉人
則桃源廖君請之不日行矣昨孫四哥又舍蕭縣而來
覓館者之多安得一一安頓耶

今日徐先生至將府報銀封及詩卷賜札俱付收訖鄭
俟制軍到後卽行然家中因屏山病篤小女吉期移早
鄭比歸喜事當已過矣八弟改辦錢穀尚未得妥處靖
江之行未必往矣端予前日自家來此住書院數日云
將仍往銅山今尚未行知家中一一平安此聞不具
新年以來惟動定安好東浦先生之喪極可傷痛此鄭
十年來海內知交之尤厚者在東浦官職聲名已均無
憾而吾曹之恨豈有涯耶吾兄進退如何定局新來荆



公之意何如若竟解幕務住蘇似非策不若且住江寧與彙或分或合更俟後定今隨便租寓亦較蘇州爲易也甲甥在家記念之甚遠來省視亦其至情家中一切自能面陳彙近况亦詢悉彙爲東浦先生欲竭思或文或詩必成其一乃能發區區之意而在家恩恩竟不能屬思必須出門乃可故今亦不作慰札與諸世兄望轉爲道唁遲步當另寄江寧尚未遣人來接然料當在此數日內彙行期約初十也 朝廷新政眞足慰草野之望盜賊亦易平吾曹遷居之計亦無庸急急矣幼女與潘四者正月初已畢孀老翁又完卻一種心事矣夏間



或得便相見不茲草草付甲甥攜呈不具

彙於前月十八日攜兩兒到江寧後得手書具知安好爲慰江寧風景彌覺蕭索令人增聚散之感旣而思此亦人理之常死生大事亦如此耳可以離去情想也頃得家信復兒已將亡九弟夫婦於鐵門葬訖家中亦各平安係彙庚戌年所害生記本輕乾雞子不壞竟可放心矣晴牧乃於鄉間看地顛蹶傷臂其運氣惡劣殊令人太息也彙亦苦右臂發痛作書稍覺不便故鄉米價甚賤淮樹欲於城中積穀以待不虞此故是佳事也但典司者難其人耳已夏而尚寒惟保重千萬不具

寄書具悉近祉爲慰頃已大熱故此閒頗憂旱但米價
尚未長耳舍姪於六月初六日得一子亡弟有孫矣此
事必吾兄所樂聞者也章八昨赴山東河工以遲誤不
能入而返吾意此未必非其福也彙近狀如故此月半
於攝山般若臺與夢樓同處三日此是今年一佳况也
聞蘇州重刻葛板九經煩爲代買一部寄來欲與兒輩
作讀本也與郭頻伽一書乞轉付之不具

去臘得書具審杖履佳勝爲慰新年更宜勝也彙去冬
歸里正值江津挈擾之時而幸平安臘月復兒大病幾
危幸醫治獲痊又伊生一兒五十日而失之老翁尚能

方便遺情其婦之悲則甚矣餘事則平安如昔彙已全
戒食魚肉然此等亦只是滯名著相中事若言了當大
事則全未全未也淮樹亦持戒素食其所處境較彙爲
難於淡薄而竟能勇斷豈非其天資大有勝人處耶聞
隨園沒後閒聞其在帷中歎咤此翁在日詆人言佛事
其神識固當入此糾纏中我輩所當鑒以自警也三姐
尚如故狀北萊來住新宅甚適但彙賣屋後殊偏仄不
堪耳

連得賜函敬審佳勝比得中丞關聘程儀相見近矣大
抵彙動身在二月半後也復兒與魯成父子擬正月初



十日北上齋於十九日往愍幢處連住三日雖魯成父子亦不從行也令郎吾固堅拒之矣今冬在稼門中丞家住見其魚軒葬白嶺地妙絕人間天意殆大興其門邪目今冬晴甚可喜然竊爲明歲憂旱竊猶當得一快雪或雨邪草此奉復明正更修賀也不具

新正惟動定萬福相對在近吾曹得多見一年亦卽是天與之厚矣他復何所望哉衡兒與儀顛孫於初十日北行一由旱一由水取道淮上也魯成則於二月初行彼初有足疾頃亦痊可矣邑中諸親家各平安但艱窘彌多耳金姓黃連嘴事愚意以爲有關合邑只是須禁



采石一事因禁采石而及存菴已是第二層此外何足勞眾邪久晴初一日一雨於麥頗有益然須更得一雨以繼之乃佳耳米價昂貴殊令人愁奈何奈何胡維君在廣西蘇潭中丞欲以入薦章但未知定不虬御委署尚不甚寂寞而晴牧則痔漏日甚艱於出門矣鼎欲俟賢良祠春祭後卽入皖約二月半也一切面敘茲不具署熱殊甚想佳好也歸之與畱想尚未可決鼎以書院讓宋署臬居之移住學院署而七月底又讓與懷寧考縣考鼎卽歸家俟九月學政考過再來矣衡兒已還到家中秋後彼又將去此一歸亦自佳耳但不知更與兄

晤不略報餘不具

秋涼想佳好得書知入中丞幕中甚佳嗣後相見差易矣鼎擬府考後至書院大約在此二十日左右也邑中望雨不可得晚禾無收矣衡兒已於前月之末攜復兒赴淮安去以老翁日衰做難以照看童穉也離懷惆悵則固不免耳鼎近頻宿雙溪恨不同此遊矣朝夕惟珍重

鼎於今日飯後卽登舟矣持衡於十三日同謚配道隨緞標走聞道上不易行也府報如至伊自可持交淮樹家寄五七言今體詩鈔一部奉上餘不具

新正以來想動定佳好舍閒竟無一大人在家兩孫愚惟幸常教誨之便如鼎在家也所諭爲令嫂壽文鼎不敢辭亦不敢許今年精神大衰實難屬思爲文此後或遇人大好時或高興執筆而不能勉強近略靜坐便打瞪似大勞碌神氣應酬文字豈可勞心若得一人代筆但用賤名則大妙矣制臺尚在淮上四月或一來府志必不辦而吾亦不能辦矣

清明後春寒特甚衰老畏之吾兄想不爾耶承賜詩媿猗敢當第前章用四朝此乃改姓之朝似非治安之世所可用必須改去其次章則佳耳



前聞吾兄被病久不愈甚憂之頃得書知已痊可欣慰天下之不可治者心病也若吾兄之心病乃與鼎同此豈藥餌所能爲力哉魯子山來此言吾兄病若閒時不妨仍住伊處然鼎意苟可安居則勿出門矣鼎今年大約仍在此度歲明歲乃縣車耳近有脾泄病喫重油則發矣常飯亦較舊少減由老至死固當漸至亦胡足怪哉

得五月廿七日書具悉近祉鼎近平安但脾土終不佳倭硫磺已盡矣覓求尚未可得也江南通志必不能修鼎思歸去但憂無屋住耳近書院修理極整齊然三宿桑下之戀亦陋也吾兄何以爲鼎決乎依傍鼎住者固多然八十老翁安能盡力爲此曹計哉冠海欲住江甯而不能不得不返世閒事不能如其志固往往如此衡兒尚在徐審案此處命案極多吾甚憂其造業託朱白泉爲謀召回不知得不至其窮苦則吾不能計矣

履端令序惟動定萬福鼎尚如故態雪霽山青安能便偕杖履入雙溪探梅信邪去臘家事承照八十老翁當安坐受子孫奉養之時而反尋錢以供子孫之用能無爲一笑乎邑中光景不佳可知而姑置吾一家之事恐杞人之憂方大耳鼓缶而歌聊以自遣尊懷亦宜以

此自寬也

新年惟動定增福杖履所向尚復有詩興耶彛狀亦如舊衡兒謝江都事頗致虧累昨日來省今以制軍明日歸署於江浦接之矣彛擬此番見菊溪告以欲歸去意也雉兒以走路稍多遂發腸紅今尚未全愈數日內雪稍寒衰年頗爲瑟縮吾兄尚不爾邪

近想佳勝大壽不得與稱祝之列性又不喜作壽詩以奉懷一詩奉寄覽之可發一笑寧遠之孫得中亦甚可喜充豫軍興而江南已不免擾攘不知數日來便得靖不甚可愁慮也



前月得書具審佳勝浮山雅詠已付賢孫命工裝裱矣此亦邑中一佳事也賤狀如常今日百中堂來書院面辭之欲秋初謝館事矣今年必可從杖履入龍眠矣苦寒嚴雪今日始霽不知里中亦如此不

前書未發而接讀佳章淩紙怪發英氣勃然正如少壯盛時孰知爲八十老翁之作哉快甚東郡尚未有全靖的信江南已有軍興之擾杞憂亦何能免方葆巖以兵革之事奪情誠事勢之宜也已定於初七日北行矣前月寄一書不知何時達近想佳好彛此閒如常前告彛容得館事今又不然令人悶悶荒年艱窘飢民死亡

時聞此間辦理似尚不逮呂公吾前謂呂公猶差有可取處而同鄉諸君信來言八月初十日出示徵下忙錢銀豈誤傳邪抑本不欲徵稅爲吏胥之所惑乎不則呂公下鄉而幕賓照常例出示乎此理殊未明也竊今年邑中田旣無收此間僅有稻九十石而書院中月食米五石零計所蓄僅食止明年二月而書院月用須四十金束脩月五十金萬不能除一半買米今定於自十月起上下俱日食一飯一粥以待年豐米賤而後復舊設法以求不可指準之件不若儉苦以養自完之素吾兄亦以吾之謀爲不謬邪計吾兄今年亦必大窘窄而儉

約亦必若吾凡諸戚友俱可以此告之舍此必無他良法矣秋晴絕無雨意麥不可種明年尚未知作何狀耳佩箴頃自宿遷來云糧艘一隻未回運河大竭公私之憂豈有已邪

新歲想增祉得八月書略審消息苦寒極可畏老翁殊不能堪耳鼙又加日昏作字極難故久不奉啓也令孫淮郎出門歷練亦甚好我輩之於子孫聽其所至而已衡兒六月卽赴泰興其佳不亦安可必哉吾方不能爲孫延師稍自課之其資俱極闕人亦無可如何石甫未到想遭逆風也



與方植之

春閒想佳好離去中田非足下之願而石士兩有書來
盛言欲攀留之意而彼此皆不獲如願此人事舛誤殆
各有數使之然也尊公今年意興甚佳鼎亦如故石士
字來云二月必入都矣拙集去秋補刻甫竣今以一部
奉寄五七言今體詩選定後乃更有刪評其批本不及
奉寄須後相見出之鼎於此二十四日攜觀兒雉兒俱
來江寧今秋鄉試文駕必來邪抑尚遲疑邪

兩得手書具審一切託居六安固非久局今不知定當
何往能得南行一相見乎鼎自六安歸後病半月今已
愈然猶虛怯擬廿日赴郡也體中今大愈不授徒之暇
能略自用功不茲因女婿潘北奇赴豫過六安草數字
其餘可俱問之

惠書至略知近狀又須更覓館地矣使人悶悶不知今
已抵家不吾此番來江寧相去遠茲後會面甚難矣悵
悵寄示之詩乃未見大進於往日良由與俗人唱和覺
其易勝便不復追古人此何由得自卓立有成就可觀
乎大抵學古人必始而迷悶苦毫無似處久而能似之
又久而自得不復似之若初不知有迷悶難似之境則
其人必終身無望矣爲學非難非易只在肯用功耳



得前月見寄書具知佳好授徒之暇想必進功勤懇也
鼎入夏來殊不能佳故是老病日臻其奈之何令徒索
書不知其字姑寄一單款字與之並課徒草一部其課
讀文尚未印出也衡兒下第後亦有信恐其往濟南覓
館處也若不得則必歸矣鼎在書院皆平安學政來考
大概七八月閒事足下想臘底回家耶抑便在館度歲
耶吾前月往小龍稼門云正月乃接吾書此固其推辭
矣然口君亦不口安也

屢得手書具審在館佳適甚慰所願努力進功亦須愛
嗇精神令此身無病乃堪著力苦勵也大概每日定養
此心令一念不起如此常自強久當有自得處耳所示
文雖不甚劣然於成化乃無一毫近處觀足下乃是以
才氣見長者只可學啓禎人作文切勿躐等致有壽陵
孺子之誚耳若必欲知成宏人文但熟讀深思秦漢人
文真有見處則知此亦不難但此事如李安溪之類便
爲門外漢滿口亂道欲令時人解悟亦豈易言哉又吾
嘗論成宏文自是成宏之題故吾取文必兼取後賢者
正以題有宜也來文四篇而三篇割截題雖真成宏人
爲之豈能見其妙哉

與張阮林



得七月所寄書具審佳勝獲讀大著刻本欣忭欣忭用
功如此誠不虛捐日月矣更望精心勤力常有多聞闕
疑之美所入當愈深耳汪梅湖詩吾此閒無全本汪銳
齋欲刻之故吾爲作序今刻既未成須俟異日館中所
定何必遽足爲天下後世定論乎勳衰弊日甚絕不能
讀書日昏極苦作字爲將去之陳人所企望惟斯世之
英少而已冬寒惟珍重千萬不具

舟行於何日抵家途閒想佳勝也詩存爲披閱一過已
見精心學古處矣而不能大有超詣但用功不閒忽遇
勝境亦不須急追求也左傳亦大有功力勳近得程魚



門左傳翼疏三十卷其書亦甚詳密其用意亦與足下
相似凡異於杜注者皆采錄之然吾意此是近時學者
習氣苟以謂世所推之書吾必欲攻其短而已卻未嘗
衡度是非必求允當也杜注誠有未當處然其是處甚
多若見一異說則急采之祇是好異非爲學矣如鞶厲
杜說自當若如康成以爲佩囊則是左右佩用之事非
禮服之重安得云昭其數乎古人身有素帶練帶之屬
謂之帶革帶之屬謂之鞶對文則別散文則通故此處
上云帶裳又云鞶厲耳又杜云紉是纓自下而上者纓
本自上而下今自下而上則非纓矣然不用纓字則語

意何由得明此本無病而足下皆駁之反自爲意之滯也至於大別一條雖本地志然地志此處說最不可通必不可從鼐九經說已論之矣楚北境連山障蔽其通行道路西則義陽三關卽左傳之城口大隧直轅冥阨也東則必至吾鄉之北峽關乃可通行若三關之東北峽之西山高嶂疊鳥路艱險南北用兵不能取徑惟元之伐宋一出於麻城木陵關耳若決水所出則又在麻城之東若吳從此路必須行今羅田黃州界內山高路迂是自做也且濟漢而陳自小別至於大別如足下說則其陳牽連一千餘里此其說尚可通乎其餘諸說鼐

精神衰憊不能盡爲尋考但更自究心耳大抵著一好書非數十年之功不能成不可倉卒也魚門書是鈔本無人爲刊刻若刻亦須得一大讀書人稍爲芟節之此豈易言也

與張蚪御

今春在江寧作一書封於衡兒信內寄吾甥因衡兒出京將書者遂併持返良可愧也然所言欲甥定婚事今知已畢媼矣大可喜也仁望熊兆耳堂上近安好諸女皆得良奧矣賀賀晴牧覓地雖目力未必逾人然頗能勤苦此亦自其佳處果如此不懈要必有得天眞不負



苦心人也聞甥將南歸甚善然恐秋有恩科則必輟行矣頃新城陳石士爲吾刻時文今寄甥一部吾所選五言今體詩失其本望鈔一本見寄也

在金陵得吾甥書具知近况佳好所尤望者熊羆之夢不知早晚可冀邪愚於十月還家將前婦葬於竹園窠來春卻葬亡弟於鐵門以了吾身之事而已晴牧於此可謂能勞心苦力矣而未得一妥貼地方以畢心願此事固是難耳今秋冠海自家向江陰去過金陵其聚兩夜似其意於尋地亦懈矣良可慨也吾所撰九經說有旌德朱生允爲雕板明年或便可成矣詩古文尚未能



議及耳今將陳夫人墓誌敬敷書院課讀文奉寄甚思一夕面談明年能一歸乎戊午則又當應試矣在北方交遊中見佳士不幕務之餘作何功課邪

觀兒到江寧具知吾甥近狀安好所患臂疾漸愈可行矣茲爲慰也覓地事有可就不甚念墓誌已爲撰就似可用只待填寫地名耳鼎尚如故態法帖題跋外閒見者多以攷證見推然吾意實以論書法處爲重惟蚪御能深解此耳

新正惟動定佳勝宅中極平安鼎家亦平安衡兒於此初十日由旱路入京矣係獨行無伴以一轎兩扛車也

鼎與周茨山互易書院各免涉江濤約二月半至皖中
邑中諸戚友都無恙而大勢彌就艱窘米價貴至升幾
三十錢初九日得快雨乃稍定耳甥署事卸未小郎頑
健可喜已斷乳未吾舊歲在江寧作兩書不知何時乃
達桂林見寄書時知尚未見也

春初一書想已達近當佳好現署何缺不至空閒耶小
郎想更頑健伊有得弟信乎鼎與諸親友大抵皆如舊
狀此閒時見雨耕伊以家事之壞做時爲鬱鬱矣然精
神尚可此九月內雉兒娶婦然吾畱此須十一月歸去
畏家中地偏而人鬧也有新選平樂府昭平令羅奎章
者係戊子通家其人已至粵未其光景如何望爲一詢
之晴牧痔殊未痊吾爲起庸人擾之之歎矣

與張兼士

久未得消息甚念甚念在官想佳適新年當增勝也去
臘師古赴粵至署未今當動身北歸矣吾此閒平安九
十兩息婦俱來居於此自課樵孫讀書固不寂寞矣衡
兒十月署江都臘月卸事此缺近爲累缺加以兵差遂
令身有未完矣且挪扯度歲耳吾今歲必回里矣八十
四五之人豈應尚作館哉中原兵事已靖江南制軍明
日歸署矣衡兒今日往江浦去接之也大遙何以不來

補官署中須其照料耶若又開新班則相礙矣吾近日昏作字較艱疝氣閒發然不甚也彥容得江浦館莫生得餘杭館潘蘊輝得沅陽館餘皆粗遣粵中通書極難茲坵劉大哥處想可達耳珍重千萬餘不具

得去歲書知佳好入今年來當彌勝也小邑事少易爲又不通孔道免差務之繁此吾所最爲甥快者若求調繁乃是苦耳井樓能來下場不若今未動身則是不來耶吾在此平安去臘未歸雉兒與其生母俱在此矣衡兒攜其妾在江浦吾擬今秋暫回家明冬乃辭館去不得早休良由老翁命苦故耳至於南京買屋之計則輟



止矣大遙在此妥貼平安署印則今年殆猶未可望也

與香楠叔

新歲遙想起居增福官况必倍泰進舉族可覬速登顯仕者吾叔一人而已安得不踮望之殷耶姪近平安然日加昏又疝氣始發作痛此爲不佳去歲令長孫娶婦又爲捐一監下場遂將老翁所積畱充送終之金全費去今以八十之年不能急歸尚須作館以自給豈不可傷耶生平詩文多隨手與人持去未及畱稿亦不復自記若此者多矣干帆落日鱗鱗白萬壑秋聲葉葉黃設有人以爲已句向姪誦之姪不能知其爲已物也賴吾

叔之賞鑑而存之亦翰墨中一重佳話也自刻詩文集後復有所作詩文合可十卷姪意不欲更刻或待死後併前更刻一全集耳

姪老病懶廢久不奉啓候頃陳笠颿方伯使至顧承吾叔賜問展誦欣忭彌以慚悚伏審頻年起居萬福膝前幼弟聰俊健壯行當入塾誦讀矣知吾叔籌策蠻夷履行谿谷使跛喙得安其業而國家永奠疆圉孟冀之告馬伏波曰諒爲烈士當如此矣今吾叔亦何媿於斯義乎姪本意託居金陵然非千金不能買宅營之數年卒不可得而日昏體微日甚一日明年八十四歲安有

仍作客之理決計必歸去也秋闈桐城雋者四人而吾家無與者此亦未可如何之事也今秋江南嗇收不爲豐亦不爲歉粗足贍食而黃河復決大吏駐旆於水涯羣吏努力於畚鍤加以帑屬匱竭度支艱難此爲近時之害也

與亭人兄

前得來諭具審一切日今厝事想已辦畢他事猶輕尋地要緊祈吾兄各自究心地師難信不待言卽黃咸老亦時有高興之語也伯母大人所寄皮袍褂俱收到循覽曷勝悲咽弟今秋小病今已痊愈現在本衙門已保



送御史擬將來一得御史無論能自給與不決然回家矣緘口則難此厚顏妄論則貽憂老母且伯父遺訓何敢忘也九弟本擬與江六同伴回家今因雇驟不便大概與思州年內同行明年須於里中爲覓一小館乃佳不在俸之多寡欲羈其身心俾讀書耳

與弼諸弟

前聞吾弟在廣州閑居甚以爲憂今知已得於劉君處授讀甚爲可喜想近狀自佳勝也彛十月自江寧回家明年定於居敬敷書院可免涉江濤矣樹德各房一切平安韶州守章君淫者彛通家也與伊一書煩爲覓便寄去想亦易易也貴居停處可略道致候客邸惟珍重千萬不具

與四妹

四妹覽施二至得寄字併各件遠承費事謝謝知與儀顯近狀各佳好爲慰我在此平安疝氣不能大愈卻亦不爲大害但此後絕不爲人寫字矣我今年生日家中可只照常不用氈采不收禮雖公禮亦不收不請客若父臺等到門回之次日令復兒持吾名帖往謝家中酌辦六七桌早飯或麵畱本族至親一飯而已總要清簡不要熱鬧也復兒明年從進之甚好此人在吾家爲有

人品學業人耆兒樵兒先生搭學外邊卻不妥可更商量小兒許親事家中總無回信何故

四妹覽近想平安我在此亦平安也觀兒字來說典伯府事我意北門屋賣成乃能典此屋若北門賣不成而買屋用去六七百金我歸家何以自給乎我意以住金陵爲佳若定住金陵則今冬必回來相見若不住金陵明年辭館回家永不出門此非有定住之屋不可須待賣屋之後乃可定耳我有存晴牧處三百金今撥與三房子婦分之七九兩房更分冠海店內百金各取五十雉兒此閒有蕙借五十金撥與之我若回家令此三房

媳婦各每年供四個月計其息銀可以穀用矣恩兒去歲所用買紙之五十六兩不必退出貼與做生意爲本可也其每年公中祭掃辦酒等事派與管公之人不開吾賬我但貼孫兒學俸而已此皆自明年爲始十娘生女吾已面許與幹子爲媳婦矣今寄十娘坐月子銀四兩又寄吾妹銀八兩可查收其銀皆胡冠海兒會伊有字與其家可持取銀和哥聞已自江西赴廣東可有信回來其起文吾聞婺源庶常董桂敷說伊起縣文用八兩府文八兩司文八兩院文五兩惟司書尚說要略加大概合算三十一二兩足矣想和哥可照此式也不必

與包看看儀顓餘不具

與師古兒

汝身子卽不健不必銳意作時文卻不可不讀經書蓋人元不必斷要中舉人進士但聖賢道理不可不明讀書以明理則非如做時文有口氣枯索等題使天資魯鈍之人無從著手以致勞心生病且心旣明理則寡欲少嗔貪清淨空明則爲知道之人其可尊可貴不遠出於舉人進士之上乎汝但宜時以此意以讀書向道爲養病之法則於汝父亦無不足之恨如應考等事不去何害若強所必不能徒自苦又何益哉

得汝前月十六日字所云送考後再來與吾意同吾近疝氣亦小爲患今日製金匱腎氣丸服之或佳也我昔葬九叔十一叔費各五十金今五伯父應依此例結五十金一會我與三兒各一股行可信符輩各一股儘此費可葬兩棺矣喪事稱家之有無不須講體面此不爲孝久閣枯棺乃是不孝也汝可將此告三娘併與諸親友議之速定寄信辦成須待冬底矣





惜抱先生尺牘補編卷二
三

惜抱先生尺牘補編卷二終

所加
圖書

